

## Veiðileyfi að vetri



Þegar þetta er skrifað er 15 gráðu frost og ég ásamt fleiri Ármönnum nýbúinn að sitja bókakynningu í Árósum þar sem Stefán Jón Hafstein kynnti bók sína Fluguveiðiráð. Eins og við mátti búast fór höfundur á kostum og bókin er glæsileg viðbót í þá ágætu flóru veiðibóka sem gefnar hafa verið út á Íslandi. Gaman var að hlusta á hann segja frá gömlum tímum, t.a.m. þegar hann var að skrifa pistla í Dag-Tímann undir heitinu „Fluguveiðar að vetri“. Titill þessa greinarstúfs er semsagt stolinn að hluta, takk Stefán. Í lok dagskrár færði Stefán félaginu áritað eintak bókarinnar að gjöf og færi ég honum mínar bestu þakkir fyrir.

Veturinn er tími undirbúnings komandi vertíðar; flugur eru hnýttar, hjól og línur yfirfarnar og vöðlur bættar. Eða þannig ætti það að minnsta kosti að vera því fátt er meira pirrandi fyrir annars rólyndis Ármanninn en tóm flugubox, ískrandi þurr fluguhjól, sprungnar línur og lekar vöðlur þegar staðið er úti í miðri Botnavíkinni í fyrsta veiðitúr vorsins. Veturinn er líka tími veiðileyfa komandi sumars og í þessu tölublaði Áróðs er veiðileyfaúrval sumarsins kynnt. Hlíðarvatn er á sínum stað, sumarið 2013 var skömminni skárri en undanfarin sumur og bleikjan vel haldin. Þó er dapurlegt að sjá hversu illa sótt var í vatnið. Þeir fáu veiðimenn sem veiddu þar í júlí sáu margir hverjir töluvert af fiski, það vantaði bara fleiri til að veiða þá. Sjóbirtingsveiði í Grímsá er á sínum stað, að vori og hausti. Einnig er boðið upp á tvo staka daga í sept-

emberlok í laxveiði í Grímsá. Félagsskirteini Ármanna gildir sem fyrr sem sumarleyfi í vötnunum sunnan Tungnár. Ný veiðisvæði eru einnig í boði, snemmsumars- og haustholl í laxveiði í Laugar-dalsá í Ísafjarðardjúpi og silungsveiði í Fossá í Þjórsárdal. Virkilega spennandi veiðisvæði sem ég hvet félagsmenn til að skoða nánar. Húseyjarkvísl hefur verið í boði undanfarin misseri og verður að öllum líkindum í boði 2014. Þegar þetta er ritað er óvissa um tíma-setningar þeirra holla en miklar líkur á að þau verði á svipuðum tíma og áður í byrjun júní. Félagsmenn eru hvattir til að geta þess í veiðileyfaumsóknum sínum ef þeir hafa áhuga á að skoða þessi holl nánar, haft verður samband við þá sérstaklega fyrir miðjan janúar þegar málin skýrast. Að auki eru önnur veiðisvæði í skoðun sem verða kynnt síðar í vetur ef þau munu standa til boða.

Ég vil að lokum þakka öllum Ármönnum fyrir samfylgdina á árinu og óska öllum gleðilegra jóla. Á meðan við bíðum eftir vorinu er hægt að stytta sér stundir í Árósum við hnytingar, opin hús og spjall. Þemakvöld verða í Skeggi og skotti, gestahnýttarar mæta og undirritaður er búinn að koma sér í bobba með því að lofa að sýna félagsmönnum silung matreiddan á sautján vegu. Svo er vert að benda ykkur á dorgveiði í vetur, m.a. eru seld leyfi í Víflsstaðavatni hjá Þjónustuveri Garðabæjar. Þangað er ég búinn að lofa að fara með fjölskylduna og dorga, með flugu!

Árni Þór Sigurðsson #382

# Allir fá þá eitthvað fallegt!

Áróður átti leið í nokkrar veiðibúðir um daginn, sem þykir nú kannski ekki saga til næsta bæjar nema hvað að í leiðinni ákváðum við að spyrja verslunarmenn hvað þeir teldu vera álitlega jólagjöf í ár. Hvað væri efst á vinsældarlista veiðimannsins í ár.

Veiðimenn eru upp til hópa sérvitr-ingar þegar kemur að vali á veiðibúnaði. Allir hafa ákveðnar skoðanir á þeim græjum sem þeir nota og það sem einum þykir vera góð stöng finnst öðrum vera drasl (þið vitið hvað ég meina). Þetta setur þá sem ætla að gefa veiðimanni veiðigræju í jólagjöf í nokkuð þrönga stöðu, nema að sá aðili gjörþekki þiggjandann og viti nákvæmlega hvað hann vantar. Nú svo er alltaf sá möguleiki að leita sér ráða hjá veiðifélaga, sem er ekki svo vitlaust. Annar möguleiki er að fá skiptimiða, en það er eitthvað svo slappt, við viljum gefa eitthvað sem hittir í mark. Og auðvitað sem veiðimenn, þá viljum við ekki bara fá eitthvað veiðidót, heldur viljum við fá rétt veiðidót í jólagjöf. Hvað ef sannur Árnaður fengi nú glæsilega kaststöng og stórt maðkabox og jafnvel maðkaöngla úr sérhertu stáli (með fullri virðingu fyrir svoleiðis dóti). Allt valið af kostgæfni af maknum sem hefur ekki hundsvit á veiðidóti. Fór bara í veiðibúð sagðist vilja fá eitthvað flott fyrir veiðimann eða konu. Svona gjöf kallar á skiptimiða! Við létum þetta verk efni svolítið í hendurnar á verslunarmönnum og þetta er það sem þeim datt í hug.



Í Vesturröst kom margt upp í hugann. Reykofn var nefndur til sögunnar en á endanum varð Orvis æfingakaststöng fyrir valinu. Ekki svo vitlaust, eitthvað sem allir geta notað sem hafa áhuga á flugukastinu, þurfa að æfa kastið eða bara vilja halda

kasthöndinni heitri í vetur. Þetta var ekki bara einhver stöng heldur af tegundinni Helios, eitthvað sem Orvis menn eru stoltir af. Stöngin sýndist okkur vera ca. 120 cm., 2 hluta og er góð til inniæfinga. Áfast er band sem kemur í stað línu og gefur þetta nokkuð góða mynd af flugukastinu. Sem sagt gott fyrir byrjendur sem og lengra komna og alveg fullkomin til að stríða heimiliskettinum. Fyrir þetta þarf maður að gefa litlar 8.900 krónur fyrir auk þess sem Ármenn hafa 10-15% afslátt hjá Vesturröst.



Margir kannast við það að hafa fengið hnýtingasett í byrjun hnýtingaferilsins og helmingurinn af efninu er enn í óopnuðum pakkningum í skúffum og skápum. (Innskot ritara: Ármenn þurfa nú reyndar bara peacock). Eitt af því sem Tómas í Veiðiportinu hefur upp á að bjóða er fluguhnýtingasett sem er handvalið af sérfræðingum Veiðiportsins. Sem sagt ekkert aukadót sem maður þarf aldrei að nota og hefur jafnvel aldrei verið notað í íslenska flugu. Og mun aldrei verða notað, aldrei!!! Góð þæling í því. En svo fannst Tómasi tilvalið að nefna vöðlur frá Jaxon sem þeir voru með á sérstöku 10 ára afmælistilboði í sumar og

ætla að framlengja til jóla. Þetta eru 4 og 5 laga öndunavöðlur, engir saumar á innanverðum skálmum, góður og lipur sokkur, belti og poki fylgja. Þessar gefa dýru vöðlunum ekkert eftir hvað varðar áreiðanleika og styrk segir Tómas. Sem sagt, þeir framlengja afmælistilboð til jóla og fást vöðlurnar á 24.900 í stað 34.900 kr. Aðspurður um almennan afslátt til Ármanna þá reynir Veiðiportið frekar að bjóða bara góð verð sem allir geta sætt sig við.



Í Veiðivon hittum fyrir Hauk verslunareiganda. Hann sýndi okkur fallega Cold-weather skyrtu frá Simms sem okkur leist vel á. Þykk og góð skyrtu sem öllum ætti að líka við, enda fólk komið á þann aldur að mjúku pakkarnir eru ekki lengur leiðinlegir eða... Svo skoðuðum við aðra flík frá Simms sem heitir Fall Run Primaloft og er jakki með mjög góða einangrun að sögn Hauks, hlýr og góður einn og sér eða innan undir vöðlujakka. Virkar líka í Bónusferð í febrúar. 33.900 kr. fyrir svoleiðis og Ármenn njóta 10% afsláttar hjá þeim í Veiðivon.



Næst áttum við leið í Veiðivörur, nýja/gamla búð í Síðumúlanum og þar hittum við Jónas sem tók okkur fagnandi. Hann mælti með hjólatösku frá Vision sem var með

**Scott**  
flugustangir

SÖLUSTADIR:

Krafla.is  
Veiðiportið í Reykjavík  
Flugukofinn í Keflavík  
og Veiðivörur.is á Akureyri

hólfum fyrir 10 hjól og voru hólfín öll stíllanleg. Vegleg taska fyrir 11.900 kr. Einnig benti hann á skemmtilega stöng frá Vision sem er sérstaklega hönnuð fyrir krakka eða þá sem ekki valda kannski alveg heilum 9 fetum. Þessi heitir Zulu kids special og er þetta sett með hjóli, línu stöng og hólk. 7,6“ lína 5-6. Övítlaust fyrir þá sem vilja draga börnin með í veiðina. Þetta var á 29.900 kr. Við yfirgáfum Jónas og hann kvaddi okkur með því að minna á fastan 10% afslátt sem við göngum að hjá þeim í Veiðivörum. Gegn framvísun félagsskírteinis.



Veiðiflugur á Langholti hafa margt fallett að bjóða og Tomma fannst tilvalið að nefna gjafabréf á kastnámskeið hjá Klaus Frimor sem er lista flugukastari. Tommi sagði að námskeiðið væri ekki síður gott fyrir lengra komna, svona til að skerpa á tækninni og láta aðeins finnstilla kastið. Höfum við ekki öll gott af því? 12.000 krónur kostar slíkt hjá Veiðiflugum. Svo nefndi hann vöðluskó frá Korkers sem heita Metal head og eru þeim kostum gæddir að vera með skiptanlegum sóla. Tveir gúmmísólar fylgja, negldur og ónegldur. Einnig hægt að fá negldan filtsóla. Svo er rúsína í pylsuendanum en hún er sú að ekki þarf maður að kunna að reima. Skórnir eru nefnilega með þar til gerðu víra-systemi sem kemur í staðinn fyrir reimar. Ekki slæmt það. 35.900 kr. án reima eða þið vitið...



Fyrst að við vorum staddur út á Granda þá lá leiðin af sjálfsögðu beint í Ellingsen. Þar varð Eiríkur fyrir svörum og honum finnst greinilega gaman að fá mjúkan pakka því hann benti okkur á Devold ullarnærfatnað sem einkar sniðuga jólagjöf.

Hver getur ekki notað góða síðbrók? Í Ellingsen er alveg ótrúlegt úrval af þessum ullarnærfatnaði í öllum stærðum og gerðum, fyrir konur og karla. Þetta er eitt hvað sem þarf ekki skiptimiða á eða hvað? Eitt var það sem ritara fannst sniðugt og hann hefur reynt af en það eru nærbrækur frá Devold. Ekki síðar heldur bara þessar venjulegu og auðvitað úr ull. 6.900 krónur fyrir hlýjar rasskinnar er ekki mikið verð. Bómullarnærur duga skammt í vorveiðinni þegar menn eru búnir að vaða upp fyrir mitti í ísköldu Þingvallavatni. Þá er nú hættu á að eitthvað fara að minnka... 10.900 fyrir síðar ullarnærbuxur og svipað fyrir síðerma bol. Auk þess býðst Ármönnum 20% afsláttur til jóla ef keypt er sett, buxur og bolur. Muna kannski eftir að sýna félagsskírteini.

Í Veiðihorninu var Jói (í Veiðihorninu) til svara og eftir smá vangaveltur sagði hann að reykofnar væri merkilega vinsælar fyrir hver jól, hverju sem það nú sætir. Eitt hvað var samt að plaga hann og eftir smá rúnt um búðina þá sættumst við á sníldar jólagjöf sem allir ættu að eiga og þarf engan skiptimiða á. Það er jú reyndar alltaf hættan að menn eigi þetta eða sambærilegt. Þetta er geymsla fyrir notaða taumaafganga sem eiga það á hættu að enda á jörðinni eða í vatninu og það viljum við Ármenn ekki sjá. Útgáfan sem Veiðihornið er að selja heitir Monomaster og er sniðugt lítið tæki sem fer vel í vasa. Maður rúllar einfaldlega notaða taumnum inn í þar til gert hylki og hann flækist ekki meira fyrir manni og endar ekki í náttúrunni. Þetta allt saman fyrir litlar 2.990 kr. Jói sagði einnig að hjólatöskur væru mjög vinsælar og nefndi eina frá Scierra sem rúmar ca. 8 hjól og hægt að færa skilrúm. Ca. 8.000 kr. ef ritari tók rétt eftir, en hann var enn fastur í að leika sér með taumaafgangageymsluna.

Þarna ljúkum við heimsókn okkar í nokkrar af veiðibúðum höfuðborgarsvæðins. Áróður tekur ekki ábyrgð á því ef að verð eða lýsingar á vörum hafa skolast eitt hvað til en vonar engu að síður það besta. Hvað það verður veit nú enginn en munið bara eftir að taka skiptimiða.

## Aðalfundur Ármanna 13. mars 2014

Boðað er til aðalfundar Ármanna fimmtudaginn 13. mars 2014 kl. 20 í Árósum, Dugguvogi 13, 104 Reykjavík.

Tillögur til lagabreytinga og stjórnarkjörs skulu afhentar stjórninni skriflega fyrir 15. janúar og sendir stjórnin félagsmönnum þær með fundarboði.



**WÜRTH**

Wurth á Íslandi ehf.  
wurth@wurth.is  
www.wurth.is  
Sími: 530 2000

Vesturhrauni 5  
210 Garðabæ  
Bildshöfða 16  
110 Reykjavík  
Freyjunesi 4  
603 Akureyri

3 verslanir



# Afgreiðsla veiðileyfa

## reglur um forgang umsókna

Í þessu blaði er fram borið það úrval veiðileyfa sem Ármenn bjóða sumarið 2014. Að sjálfsgöngu verður reynt að uppfylla allra óskir en óhjákvæmilega kemur fyrir að fleiri en einn félagsmaður vilji fá sama daginn. Þetta á einkum við fyrri hluta sumars í Hlíðarvatni, maí og júní, og fram í miðjan júlí, þegar allt að sex umsóknir berast um sömu helgina.

Til að auðvelda úthlutunarstörf og vinna þau á sanngjarnan hátt var kerfið með ABCD-bókstafsmerkingu umsókna innleitt. Samkvæmt því fær félagsmaður sem sækir um tiltekinn veiðidag í A-reit á umsóknarblaði sínu meiri rétt til úthlutunar en sá sem sækir um sama dag í B-reit o.s.frv. Sterkast er að senda inn hópumsókn. Þá sækja tveir eða fleiri um sama daginn, merkja við að um hópumsókn sé að ræða og vísa hver í annan. En hópumsóknir hafa mismunandi forgang og því þarf að setja nánari reglur þegar úthlutað er þeim dögum sem mest er sóst eftir.

Forgangur umsókna er metinn með því að gefa hverri umsókn stig. Þegar þrjár stangir eru seldar saman, líkt og í Hlíðarvatni, eru aðeins taldar þrjár umsóknir. Umsóknin verður ekki sterkari við að senda inn fleiri umsóknir en sem nemur þeim fjölda stanga sem sótt er um. Hins vegar getur einn umsækjandi sótt um fleiri en eina stöng.

Almennar reglur um forgang

- A-umsókn: 5 stig
- B-umsókn: 3 stig
- C-umsókn: 2 stig
- D H - umsókn: 1 stig
- Hópumsókn: 1 stig til viðbótar

Samkvæmt þessari reglu verður umsóknum raðað í forgangsroð í fyrsta lagi eftir stigum og í öðru lagi þannig að á jöfnum stigum nýtur umsókn með bókstaf framur í stafrófi forgangs:

- 16 stig AAA
- 14 stig AAB
- 13 stig AAC,
- 12 stig AAD, ABB
- 11 stig AA, ABC
- 10 stig ABD, ACC; BBB;
- 9 stig ACD, AB; BBC;
- 8 stig ADD, AC; BBD, BCC;
- 7 stig AD; BB, BCD; CCC;
- 6 stig BDD, BC; CCD
- 5 stig A; BD; CDD; CC
- 4 stig CD; DDD;
- 3 stig B; DD;

Vinsamlegast kynnið ykkur úthlutunarreglurnar vel og vandið umsóknir ykkar sem best. Tilgreinið daga til vara ef unnt er. Það auðveldar starf úthlutunarnefndar að koma til móts við óskir allra á sanngjarnan hátt. Stjórnin verður í Árósum á auglýstum skiladögum og leiðbeinir um útfyllingu umsókna.

## Veiðisvæði Ármanna 2014

Skilalok veiðileyfa er 9. janúar 2014.

Athygli félaga er vakin á því að ef ekki hefur verið gengið frá greiðslu veiðileyfis fyrir 1. mars skoðast það veiðileyfi sem laust til endursölu.

Þau holl sem ekki seljast í úthlutun munu verða sett í sölu á leyfi.is eða þá að leigutakar leysa þau til sín. Í úthlutun eru allar stangir í hollu yfirleitt seldar saman en á leyfi.is er meira um að seldar séu stakar stangir. Yfirleitt er einungis leyfilegt að veiða á flugu, en þar sem leigutaki heimilar annað agn stendur: „Hér veiða Ármenn á flugu“. Þar sem sums staðar er vísað í Áróð undanfarinna ára, er af gefnu tilefni bent á, að hann er aðgengilegur á heimasíðu Ármanna [www.armenn.is](http://www.armenn.is) frá árinu 2001.

### Yfirlit um svæði

1. Hlíðarvatn í Selvogi –bleikja.
2. Vötnin sunnan Tungnaár –bleikja og urriði.
3. Grímsá - sjóbirtingssvæði.
4. Grímsá - laxveiði.
5. Laugardalsá - laxveiði.
6. Fossá - silungasvæði.
7. \*Húseyjarkvísl í Skagafirði –silungasvæði.

\* Því miður eru ekki komnar nákvæmar dagsetningar og verð á hollin í Húseyjarkvísl 2014. Að öllum líkum verður um að ræða júníbyrjun líkt og undanfarin ár og sambærileg verð. Áhugasamir Ármenn “sæki um” á úthlutunarblaðinu og haft verður samband við þá sérstaklega fyrir miðjan janúar.

### 1. Hlíðarvatn í Selvogi

**Staðsetning:** Í Selvogi, milli Krýsuvíkur og Þorlákshafnar. Vegalengd frá Elliðaárbrúm er rúmlega 60 km um Þrengsli en 55 km um Krýsuvík.

**Veiðisvæði:** Allt vatnið, en hólarnir við Stakkavík, vestanvert í vatninu eru friðaðir á varptíma fugla. Marshefti Áróðs 2009 var sérstaklega helgað vatninu og á heimasíðu Árvíkur ([www.arvik.is](http://www.arvik.is)) undir Veiðistaðalýsingar, má finna mikinn fróðleik.

**Stangafjöldi:** Veitt er á þrjár stangir og eru þær seldar saman, einn dag í senn.

**Veiðitímabil:** 2. maí – 30. september.

**ATH. að sunnudagur 24. ágúst er frátekin fyrir Hlíðarvatnsdag**

**Veiðitími:** Veiðimenn mega hefja veiðar kl. 18:00 kvöldið fyrir skráðan veiðidag og ljúka þeim sólarhring síðar. Að öðru leyti er veiðitími frjáls. Verutími í Hlíðarseli er sá sami. Veiðimenn kvitti fyrir veru sína við vatnið í dagbók.

**Leyfilegt agn:** Fluga. Nefna má Peacock, Krók, Alexöndru, Alder, Butcher, Kardinála og Flæðarlús.

**Veiðihús:** Hlíðarsel stendur undir hlíðinni vestanverðri, upp af Botnavík. Þar er snyrting, tvö herbergi með tveimur kojum hvort, svefnloft, eldhúsbekkur með gashellu, borðbúnaði og áhöldum, forstofa og úti-gasgrill. Taka þarf með sér rúmfatnað/svefnpoka, borðtuskur og viskastykki. Lyklar að húsi eru geymdir í smá kassa með talnalás á húsinu.

**Reglur:** Húsinu skal skila hreinu til næstu veiðimanna eigi síðar en kl. 18:00 og taka með sér allt rusl. Athugið að lausaganga hunda við vatnið er stranglega bönnuð og séu hundar hafðir í húsinu mega þeir einungis dvelja í forstofurými. Bannað er að vera með báta á vatninu, en bumbubátar eru leyfðir með því skilyrði að ekki sé veitt á þeim innan við 50 metra frá veiðimönnum sem veiða frá landi. Bumbubátar eru bannaðir í Botnavík.

**Veiðikort:** Liggur frammi í veiðihúsi og á <http://www.armenn.is/skjol/Almenn/hlidarvatn.jpg>.

**Veiðibók:** Liggur frammi í veiðihúsi og er mikilvægt er að skrá allan afla. Menn eru vinsamlegast beðnir að skrá þar nöfn sín, en ekki einungis félagsnúmer.

**Veiðiumsjón:** Hlíðarvatnsnefnd, símanúmer hanga á vegg í veiðihúsinu.

Tími	Dagar	Stangir	Verð/stöng/ dag
maí, júní, júlí	virkir	3	5000
	helgir	3	6000
ágúst, september	Virkir	3	3000
	helgir	3	4000

## 2. Vötnin sunnan Tungnaár

**Staðsetning:** Vatnaklasi á Landmannafrétti í um það bil 170 km fjarlægð frá Reykjavík, norðan og austan við Heklu.

**Veidisvæðið:** Fjölbreytileg vötn sem gefa bæði bleikju og urriða. Þekktust vatnanna eru trúlega Frostastaðavatn og Löðmundarvatn. Um vötnin og aflabrögð í þeim má lesa í viðtali við Örn Daníelsson, sem birt er í desemberhefti Áróðs 2008 og grein eftir Olgeir Benediktsson í Nefsholti í maíhefti Áróðs 2009.

**Veidítímabil:** Veitt er frá því fært er í vötnin um miðjan júní og fram í september, eða meðan ferðaþjónustan er opin í Landmannahelli. Utan þess tíma er hægt að fá gistingu eftir því sem færð og veður leyfir.

**Stangafjöldi:** Ótakmarkaður.

**Leyfilegt agn:** Hér veiða Ármenn á flugu.

**Veidihús:** Í Landmannahelli eru skálar í nokkrum stærðum þar sem góð aðstaða er til gistingar í svefnpoka. Húsin eru með upphitun, rennandi vatni, eldunarstöðu, vatnssalerni og útigri. Einnig er við Landmannahelli svæði fyrir tjöld, fellihýsi og húsbíla. Á vefsíðunni [info@landmannahelli.is](mailto:info@landmannahelli.is) eru allar upplýsingar um aðstöðuna. Pantanir og fyrirspurnir í síma 893-8407.

**Reglur:** Félagsskírteini Ármanna fyrir árið 2014 gildir sem veiðileyfi í öll vötnin. Ármenn skulu framvísa félagsskírteini í Landmannahelli áður en veiðar eru hafnar og skila skýrslu um afla áður en farið er af svæðinu.

**Umsjón:** Skálaverðir í Landmannahelli. Upplýsingar um veiðisvæðið og aflatölur má sjá á slóðinni <http://www.veidivotn.is/>.

## 3. Grímsá, sjóbirtingsveiði

**Staðsetning:** Grímsá í Borgarfirði er landsþekkt laxveiðiá og rennur um Lundarreykjadal í Borgarfirði. Í ána gengur nokkur fjöldi sjóbirtinga og síðustu ár hefur verið ákveðið að nýta þau tækifæri sem bjóðast til haust- og vorveiða. Hér er um skemmtilegan kost að ræða í hæfilegri fjarlægð (70km) frá höfuðborginni.

**Veidisvæðið:** Frá og með Hörgshyl (við brúna á Þjóðvegi 50) niður að og með Árbakkaklöpp. Athugið að veiði er ekki leyfð á gridarstað laxa á eftirfarandi veiðistöðum: Móbergshyl, Svartastokki, Hús-breiðu, Stórlaxaflöt og Lambaklettsfljóti.

**Stangafjöldi:** Veitt er á tvær stangir sem seldar eru stakar, einn dag í senn.

**Veidítímabil:** Maí og frá 25. september fram í okt.

**Veidítími:** Veitt er frá kl. 8:00 til 20:00.

**Leyfilegt agn:** Fluga.

**Veidihús:** Ekkert veiðihús fylgir svæðinu en veiðimenn geta notfært sér aðstöðu í kjallara veiðihótelsins. Unnt er að semja um gistingu á góðu verði í veiðihúsi við Tunguá, innar í Lundarreykjardal.

**Reglur:** Öllum laxi skal sleppt en heimilt er að taka sjóbirting. Mælt er til að öllum fiski í vorveiði sé sleppt.

**Veidikort:** Kort af Grímsá má nálgast á slóðinni <http://www.hreggnasi.is/images/stories/grimsaA3.pdf>

**Veidibók:** Liggur frammi í kjallara veiðihótelsins, mikilvægt er að skrá allan afla.

**Veidiumsjon:** Jón Þór Júlíusson, gsm. 898 2230, net: [jon@hreggnasi.is](mailto:jon@hreggnasi.is)

Dagar	Fjöldi daga	Stangir	Verð/stöng/dag
3.-6. maí	1	2	4900
1.-4. október	1	2	15900

## 4. Grímsá 2014 laxveiði

**Staðsetning:** Grímsá í Borgarfirði er Ármönnum að góðu kunnug og ein þekktasta veiðiá Borgarfjarðar. Hér er um skemmtilegan kost að ræða í hæfilegri fjarlægð (70km) frá höfuðborginni.

**Stangafjöldi:** Veitt er á átta stangir, einn dag í senn.

**Veidítímabil:** 27. og 28. september

**Veidítími:** Veitt er frá kl. 8:00 til 20:00.

**Leyfilegt agn:** Fluga.

**Veidihús:** Ekkert veiðihús fylgir svæðinu en veiðimenn geta notfært sér aðstöðu í kjallara veiðihótelsins.

**Reglur:** Öllum laxi skal sleppt en heimilt er að taka sjóbirting.

**Veidikort:** Kort af Grímsá má nálgast á slóðinni <http://www.hreggnasi.is/images/stories/grimsaA3.pdf>

**Veidibók:** Liggur frammi í kjallara veiðihótelsins, mikilvægt er að skrá allan afla.

**Veidiumsjon:** Jón Þór Júlíusson, gsm. 898 2230, net: [jon@hreggnasi.is](mailto:jon@hreggnasi.is)

Dagar	Fjöldi daga	Stangir	Verð/stöng/dag
27. september	1	8	33000
28. september	1	8	33000

## 5. Laugardalsá, laxveiði.

**Staðsetning:** Laugardalsá er albesta laxveiðiá Vestfjarða. Vegalengd frá Reykjavík er um 360 km. 9 ára meðaltal hennar er 380 laxar, veiðin 2013 var 404 laxar og töluverð urriðaveiði er á svæðinu líka.

**Veidisvæðið:** Frá fjöru til fjalla og öll vötnin á milli.

**Stangafjöldi:** Veitt er á 2-3 dagstangir, tvær stangir fyrri og seinni hluta sumars en þrjár stangir um miðbik

**Veidítímabil:** 15. júní til 15. september.

**Veidítími:** 7-13 og 16-22 (15-21 að hausti)

**Leyfilegt agn:** Fluga.

**Veidihús:** Rúmgott veiðihús fylgir veiðileyfunum, pláss er fyrir 7 manns, í húsinu eru 3 herbergi og í einu þeirra eru 3 rúm. Húsið var byggt 1971 og hefur vel staðist tímans tönn, skipt hefur verið um eldhús en frekari endurbætur er að vænta í framtíðinni á húsinu.

**Reglur:** Öllum laxi yfir 70 cm skal sleppt í ána aftur, kvóti 1 lax á stöng á dag.

**Veidikort:** Nýtt veiðkort er í vinnslu og verður tilbúið síðar í vetur

**Veidibók:** Skrá skal allan afla í veiðibók í veiðihúsi

**Veidiumsjon:** Guðmundur Atli Ásgeirsson Gsm. 8446900

Dagar	Fjöldi daga	Stangir	Verð/stöng/dag
17.-20. júní	3	2	33000
20.-23. júní	3	2	33000
6.-9. september	3	2	40000
9.-12. september	3	2	40000

## 6. Fossá, silungasvæði.

**Staðsetning:** Við efsta hluta Þjórsár í Þjórsárdal, rúmlega klst. akstur frá Reykjavík.

**Veidisvæðið:** Öll áin að Háafossi auk Rauðár, staðbundinn urriði og bleikja fyrir ofan Hjalparfoss, auk sjóbirtings neðan Hjalparfoss.

**Stangafjöldi:** Veitt er á 2 stangir, einn dag í senn.

**Veidítímabil:** 1. maí – 10. júlí.

**Veidítími:** 7-13 og 16-22.

**Leyfilegt agn:** Fluga.

**Veidihús:** Hægt er að bóka gistingu hjá Hreggnasa ef fleiri en einn dagur er keyptur í einu.

**Reglur:** Öllum fiski skal sleppt.

**Veidikort:** verður aðgengilegt á vef Ármanna [www.armenn.is](http://www.armenn.is)

**Veidibók:** Skrá skal allan afla í veiðibók í veiðihúsi

**Veidiumsjon:** Jón Þór Júlíusson, gsm. 898 2230, net: [jon@hreggnasi.is](mailto:jon@hreggnasi.is)

Dagar	Fjöldi daga	Stangir	Verð/stöng/dag
1. júní-10. júlí	1	2	5000

## 7. Húseyjarkvísl í Skagafirði –Silungasvæði

**Staðsetning:** Húseyjarkvísl heitir svo í framhaldi af Svartá og öðrum ám af hálendinu vestan Skagafjarðar. Hún rennur undir Þjóðveg 1 rétt fyrir neðan Varmahlíð og fellur í vestari kvísl Héraðsvatna 19 km frá sjó.

**Veidisvæði:** Lítil kvísl úr Héraðsvötnum blandast við Húseyjarkvísl fyrir neðan Geldingaholt (staður nr. 15) og er hún lituð þar fyrir neðan mestan hluta sumars. Aðgengi að ánni er gott og hægt er að keyra niður að flestum veiðistöðum. Áin er fiskgeng að Reykjafossi en veiðisvæðið er 12 km langt. Silungasvæðið er frá Silungabakka (Silungabakki ekki með) og niður að ármótum Héraðsvatna og Húseyjarkvíslar. Árlega veiðast um 300-500 silungar.

**Stangafjöldi:** Veitt er á þrjár stangir og þær seldar saman.

**Veiðitímabil:** 1. apríl – 20. október.

**Veiðitími:** 12 klst. á sólarhring og ráða veiðimenn hvernig þeir hagræða þeim tíma. Mæta má í veiðihúsið kl. 15:00 á skiptidegi og það yfirgefið eigi síðar en kl. 14:00 síðasta veiðidag.

**Leyfilegt agn:** Aðeins fluga. Vel gefast Nobblerar, Zonkerar, lappaflugur og alls kyns púpur, s.s. Pheasant tail, blóðormur og Mobuto og svo þurrflugur.

**Veiðihús:** Ef komið er að sunnan er beygt niður hjá Varmahlíð eins og verið sé að fara til Akureyrar og svo beygt strax aftur til hægri hjá Vélavali (blátt hús á hægri hönd). Þeim vegi er fylgt þar til beygja verður upp brekkuna til hægri eða niður til vinstri. Taka skal

vinstribeygjuna og þá er maður kominn að húsinu, og áin blasir við fyrir neðan. Skilti er við húsið. Í húsinu eru þrjú svefnherbergi og svefnloft, sjónvarp, uppþvottavél og öll helstu þægindi. Heitur pottur og gasgrill eru á palli. Taka þarf með sér sængurföt og handklæði. Þrifa skal húsið eftir notkun.

**Reglur:** Sleppa skal öllum urriða undir 45 cm en hirða má alla bleikju.

**Veiðikort:** Er í húsinu, en einnig má nálgast það á heimasíðu Ármanna.

**Veiðibók:** Liggur frammi í veiðihúsi og er mikilvægt að skrá þar allan afla.

**Veiðiumsjon:** Valgarður Ragnarsson, sími 770 6040 og Ragnar Gunnlaugsson, sími 894 0145.

Dagar	Fjöldi daga	Stangir	Verð/stöng/dag
?	?	3	?

\*Því miður eru ekki komnar nákvæmar dagsetningar og verð á hollin í Húseyjarkvísl 2014. Að öllum líkum verður um að ræða júníbyrjun líkt og undanfarin ár og sambærileg verð. Áhugasamir Ármenn "sæki um" á úthlutunarblaðinu og haft verður samband við þá sérstaklega fyrir miðjan janúar.



Frá Kleifarvatni í logni



# Þjóðfundurinn

Eins og Ármönnum ætti að vera kunnugt blés stjórn félagsins til Þjóðfundar Ármanna þann 12. nóvember. Þar mættu hátt í þrjátíu félagsmenn sem valdir voru með slembiúrtaki úr félagaskránni og létu móðan mása um stöðu félagsins og framtíðarhorfur.

Fyrir hönd stjórnar vil ég þakka þeim sem mættu kærlega fyrir sitt framlag, það er mikils metið. Niðurstöður fundarins verða svo kynntar síðar í vetur og verða leiðbeinandi fyrir stjórn í myndun framtíðarstefnu félagsins.



**Munið  
að síðasti  
skiladagur  
er 9. janúar  
2014**

**JOAKIM'S**  
MEÐ NÁNAST ALLT Í FLUGUVEIÐINA

STANGIR, HJÓL OG LÍNUR  
KRÓKAR OG KÚLUR Í SILUNGAFLUGUR. KEILUR OG FLASHABOU.  
FLUGU BOX, HÁFAR OG ÖNDUNARVÖÐLUR

ALLTAF GOTT VERÐ  
WWW.JOAKIMS.IS | SÍMI 698-4651

A fishing rod with a wooden handle and a blue and yellow reel is shown in the foreground, angled towards the right. The background is a body of water with a white wake.

# Vetrardagskrá í Árósum 2014

## Regluleg dagskrá

Skegg og skott á mánudagskvöldum frá kl. 20-22

Opið hús á völdum miðvikudagskvöldum frá kl. 20-22

## Auglýstir viðburðir

16. desember	mánudagur	Skegg og skott. Jólaflugan.
9. janúar	fimmtudagur	Skilalok veiðileyfaumsókna
13. janúar	mánudagur	Black Ghost þema í skeggi og skotti
21. janúar	mánudagur	Afgreiðsla veiðileyfa kl. 20-22
23. janúar	miðvikudagur	Afgreiðsla veiðileyfa kl. 20-22
25. janúar	laugardagur	Þorrablót
10. febrúar	mánudagur	Gestahnýtari, Tommi Za
19. febrúar	miðvikudagur	Brasað og brætt með Árna Þór, silungur á sautján vegu.
3. mars	mánudagur	Þurrflugupema í skeggi og skotti.
13. mars	fimmtudagur	Aðalfundur Ármanna kl. 20
12. apríl	laugardagur	Vorfagnaður kl. 14
26.-27. apríl	lau. og sun.	Hlíðarvatnshreinsun

Ýmislegt fleira er í deiglu í vetur.  
Nánari dagsetningar verða auglýstar síðar í  
Áróði og á heimasíðu Ármanna [www.armenn.is](http://www.armenn.is)

## Þorrablót 2014



Þann 25. janúar munu Ármenn koma saman í Dugguvoginum og blóta þorrann all rækilega. Af því tilefni viljum við minna fólk á að taka kvöldið frá og minnum einnig á að undanfarin ár hefur verið húsfullir þannig það borgar sig að skrá sig í tæka tíð, svo enginn verði súr. Kostnaði verður stillt í hóf svo enginn þarf að vera súr yfir því að þetta kosti og mikið.

Skráning fer fram í Árósum og á [armenn@armenn.is](mailto:armenn@armenn.is)

Hittumst, gleðjumst og úðum í okkur kjömmum og pungum og eigum góða stund saman.

Stjórnin.